

gher mynnen ten lesten als dyn lieue
kynt sterff doerghesteken is mytten
sweerde der alre meester serich^t wt
grotten medeliden. **H**ijr ome moetstu
ghebenedijt syn onder den wijuen.
oock bouen allen wijuen en creature
hoedlick ghebenedijt. dan die hemel
sche vader yemant ghebenedijt he
uet in ewich^t i tekenen alre vordere
En ghebenedijt sy die vrucht dñs
liues die du soe salichlike ghebaert
heffte toe onser salich^t vloesinghe
ende glorificeringhe onse here **J**es⁹
chr̄us dyn soene. wen sy ere en glorie
mytten vader en den hillighe gheest
ende dy coenighine der guedertreht^t
sy blytscap ende loff doer alle ewic
heit der ewicheiden **A**men. **I**tem
**hijr naeuolghen onser lieuer vrou
wen so euen vrouwen die sie op eert
rijcke hadde. ende die sie alle daghe
leest den wil sie openbaren sijnen**